

cha 50 schiavi, in un locho, a la strada erano le caravane charge de orzo, et non trovano orzo per li schiavi, per li sui cavali; domandono a li gambelieri, non volseno darli dicendo che l'era del Signor; et loro dicevano: « Ancor nui siamo del Signor, volete che i nostri cavali morano? » et tolseno per forza. Et andati essi gambelieri avanti el Signor lamentandosi; li ha fato apichar *ut supra*; per il che fu gran rumor, quale da poi se aquietò. Et in dito loco fu preso 4 spioni del Sophi, et li fece tagliar la testa. Et par che diti janizari dicesse fra loro: « Nui havemo fato Signor uno bastardo, et hora ne fa impichar, saveremo ben nui trovar Signor; l'è venuto con uno cavadi e l'havemo fato Signor. » E allora, vedendo il rumore grande, i bassà introno di mezo et fono tolti 10 gambeli cargi di aspri, et li in Arachida fo data la paga et se aquietò el rumor, etc.

51 Da novo, per advisi da uno venuto ozi a dì 15 Lujo 1514 dal Cayro, partite a dì 10 dil presente, se ha come el signor Soldan haveva dato paga a Mamaluchi 3000, ducati 137 l'uno, et capo de quella fina a Damasco el vien el Miracur grandò *cum* Svidon el Diodar Baybat, sarano da persone 30 milia, li quali vegnirano a Damasco, et li se farà la mostra zeneral de tutti, et parte de le signorie de questo paese; poi serà consignato el baston per capitano zeneral a lo signor de Damasco, el qual anderà in Aleppo *cum* tutto lo resto de li schiavi de questa Soria, che serà da 2000, *ultra* li sopra scritti, poi altra zente fino a la summa di 30 milia persone, in tutto sarà 60 milia combatenti, li quali starano a veder quello die esser de questi campi del Sophi e del Turco, li quali se dice che *de brevi* serà a le mano insieme: o s'el Soldan dubiterà venirà lui in persona.

*Seguita in la relatione al signal ****

Con doi capitani, li quali sono con tamburi et piffari, i qual erano venuti zà 6 mexi a Constantinopoli, e dimandavano tre terre per parte del suo Re, et el Signor turecho respose che non li daria una pietra, et li messe in destreta, dove li tene zorni 40, et poi li ha menati con lui al Cagno et li ha lassati li con custodia, et li fa far le spese ogni zorno castroni 10, capreti 14, galine 25, et some do de vino e 150 aspri de pane, et pezi do de zucharo, et meza 40 de orzo. Et lo zorno ch'el voleva partir dal Cagno, è venuto lo secretario del re d' Hongaria, qual è con dito ambasatore con una Nostra Dona in peto, in casa de dom. Antonio da Milan, che niuno non sapea,

et mi ha fato far sacramento che si el me darà una lettera che porto a li signori retori di Cypro, la darò fidelmente, et ch'el sarà bene per la Signoria di Venixia et per tutta la Cristianità. Et io dissi: « Vultiera ». Et lui partite essendo stati cussi per do hore torno, et me disse: « Non voria che fossi trovato, che saria gran pericolo de la vita; ma ben vi pregamo per la fede de cristiani et per lo sacramento che haveti fato, che vui a quelli magnifici rectori che scrivano a Venixia a la Illustrissima Signoria el modo che siamo retenti, et che hora è il tempo ch'el nostro Re ussirà fora: sichè vogliamo scriver si dovesseno spender 200 ducati. Et dice che mai lo farano insir l'ambasador fora, ne anche nissun li parli; ma tutti li altri vanno al suo piacer. »

Relatione di le zente et exercito turchesco auta per via di Cypro, non però per lettere drizzate a la Signoria.

Primo: se atrova haver el signor Gran Turecho persone numero 40 milia. In Andernopoli per guardia ne son restati al governo dei figlioli, et in Constantinopoli à lassato vice signor Costanzin bassà; ha *cum* lui cavali sui comprati per sua spizialità numero 9000. *Item*, gambeli numero 2800 cargi de armadure numero 2800, lo bassà del Cagno con persone 95 milia a pie' et a cavallo, et varsachi 5000 con li signoreti de Caramania, li qual vanno avanti una zornata sempre nel suo campo, *videlicet* questo bassà con li ditti homeni che sono 100 milia; i quali varsachi con diti signoreti o venza o perda el Signor Turco se dice li farà tajar la testa, perchè se teneno esser amici del Sophi, et se tenivano con el fratel sultan Achmath che fo morto, et Gorcholi bassà gran capitano che ha tajato li tre dedi de la man, con homeni 121 milia a pie et cavallo in tutto.

Uno altro bassà è de le sue parte de Turchia verso ponente, qual va a la volta verso Angori con persone 10 milia, et con lui sarano stratioti 5000 con capelli in testa, cristiani, de ogni loco de la Morea, Modon, Coron et altre persone a pe' et a cavallo da 150 milia in cercha in tutto. *Item*, charete 800 in cercha con artellarie minute, chi uno pezo et chi do pezi. *Item*, schiopetieri 4000. Et è gran carestia dove al presente se trova el dito Signor turco, perchè ogni note uno cavalo vol almanco aspri 15 in 20 per suo manzar, et è el pan caro, val uno mozo de farina aspri 50, che è nel paese de Suassi al confin del Turco etc.